

# *Ts`eppiyna xanevur*

*Ek`na gade* 3-11


*Ts`eppiyna xanevur* 12-31

*K`inni Yunutna mexxa* 32-47



# *Ek`na gade*

Sa vornaniy, sa deşdaniy. Sa gade  
vornaniy. Sa yiğil mana gade hayk`anna  
ç`alageeqa. Ç`alaga mana xilice iykırıyle  
qiyğa, g`eherxhuna. Man axtın, miç`axın  
ç`alag ıxha. Yəq tabal haa`asva mana  
xərra i`ğiykır, orzulna. Goyne gadee cus  
sa it`umun t`at`aa ha`u, meer yəqqi`lqa  
qıxhana. Mana geer əq`ənaqa ark`iniyke  
orzul, yivek avur manzil ha`as giy`arna.





Sayir ilyakkasse sa xənni yivelqa xəbna xoçe vob əlqəə. Mani yivelid şit`yavernan şit`eyn akvaa vod ıxha. Şit`yaveşik`le xoçe g`avciys:

– Kumag he`e, kumag he`eva – həraybı ha`a gidğıl. Nimeen həraybı he`eeyid, kumagıs qööna deşiy. Xoçemee ghal aaqı, mizib qığavhu, habağa akvaas deles qooxheyiy.



Gade geer qərqr`i`neyir, şit`yaveeşilqa  
rəhi`m qabı. Vucee ha`uyn t`at`aa alyat`u,  
alik`ara`u, xoçeyş it`umda ı`xı`yxən. Xoçe  
yiveyle g`a`ayıpxhı, gadelqa aahana.

Xoçe k`ıxhxhena, xılıyna, gucnana kar  
vuxha. Gade xoçeyka xilice səyxı`yle  
qiyğa, g`amexhena.

Xoçeyn çuru şit`yaveeşis oxhan ha`u,  
vucur orzul, yiveyk avur nik`eeqa  
ayk`anna.

Sayib it`umna mıt̄s aa`a gibğıl. Həyvanar qətq`i`n akvaabişeeqa heetxu, xənebı g`ideci gidğıl. Yicmee şit`yaveeşına yed ç`ak`ın xılıbı ilvoyxhar akveeqa qöö ooxhub.

Gade g`aciys, xəbna q`i`ğ g`avkku:

– İnsan! İnsan! Gik`asda!

– Yed! Yed! – şit`yaver geşşi gidğıl. Mani insane şalqa vüqqəna xoçe givk`u, vucub şas ooxhan hav`u.

Hamanke mana şit` ç`iyelqa givxu, gade mık`a qimexheceva, ittun nyak` he`ecenva, ooqa çin xılı adaççe.







Ek`na gade miç`er nik`ıke muğur qıxhays,  
oo`ad şit`eyn xədn xılı g`acu, geşşi girğil.

Şit`eyn eyhen:

– Qı`məyq`ən, ğu yızın şit`yaver  
g`attixhana`u. Həşde zı vas, yiğni yik`es  
hicooyiy ıkkın ha`asın.

Gadee eyhen:

– Zı xaaqa qıkke.  
– Manke gyu`re yızdi yi`q`əl, gardanık  
ittumra at`iq`ne.

Şit` xəəqə gadeyka alivxu, qıkkı gade  
xaani daxalqa g`e`eşşena.

– Hammaşe həşdiyna xhinne axveva  
uvhu – şit`, alivxu avayk`anna.




## *Ts`eppiyna xənevur*

Haama, bıkrni ülcümna gyoğiy vod gyoğa.  
Ğunad g`ulençe ilyakkı ah gıxooli.

– Hayin gyoğiy mısanexan ç`əvxes?

Vak`le ats`an yivariy t`et`bı alyadıynimee,  
şagav hixharasdimee, gyoğiyıd ıkkən vodun.  
Hale yizıd ıkkənən.

Ts`eddiys, ç`iye qimiyğarceva, q`öesıd,  
xizakbişikva hittibghın, yizbişikva  
hivaagvasdimee. Veriğ dyunyeys işiğiy  
güməlla hivoynimee vukkan vobna. Vazıb  
xəmde miç`axda dexhaynimee vukkan...



Xəə xənevur nişinimena?

Zı vas mançini hək`ee, ts`eppiyni xənevurni  
hək`ee, yişon ha`as.

Xətta senbına hiqa, dyunyee məxbına  
havaaniy vooxhena, bıırni sen gyoğiyına  
t`yank` vooxhena deşdiy.

Miç`ed eyxheni çiyin, ç`alagbı qeqqvas hassır  
deş.

İnsanar mani vaxtal Allahıl k`ırı gidyaqanbı  
vuxha (yiqsumul Allahık`le Ghınışvad eyhen).  
Manbişika xetta six, paxılıyvalla, sana-  
sang`uka yugba devxayiy, gyapt`iy ıxha. Allah  
manbı ipxhınıyle peşmanxhana. Manbı gırgıba  
gyapt`asdimee dyunye xhinen alyat`aa`as –  
uvhu.



Ç`iyel manbişik idyakarna sa insan vor  
ooxhur. Mang`un do Nüh ıxha. Mana qorkura  
yeşemişexhe, Allahılqa k`ırı gyaqqa ıxha.  
Allahık`le man g`acu, Nüh huvaces ıkkıykın.  
Nühulqa Allahıle sa xedın gamı he`eva amır  
qabı. Gamı nyəxdun, nimeegan ixheskay  
başda ha`una.

Nüh gamı alya`a giyğalna. Mang`us cuni  
duxbişeniy kumag ha`a. Manbişdi hiqiy-alla –  
xənni manzilil damayiy deryah deşdiy. Mani  
torpaxbişil yeşemişooxheni insanaaşik`le  
məxdun ç`ak`ın gamıbı g`acu deşdiy.  
Manbişik`le xurun gamıbd g`acu deşdiy.

Nühük`led, cuni duxbişik`led cəmə`ətın eyhen  
cuvabbı ək`eleeqa qidyayleyiy.

– Ay, Nüh! Hicone qadı q`əsvale yiğni  
ək`eleeqa?

– Man yiğın gamı ç`iyel iykarasınne?  
Ək`el deşda! Mançile vas xav alya`uy dişee  
yugda?

İnəxdun kalmabı Nühus pisda qadeeyid,  
ats`ançile axu deş. Nüh Allahılqar inanmişxha,  
culqad k`ırı gyaqqıyn. Nühee man gamı xilice  
vaxtna alya`u. Gamı bıkırxhayn.







Allahee Nühüs dyunyeylni həyvanaaşını  
harınçike q`öble alyapt`as məsləhət g`avcu.  
Gırgını surabişilee Nühüne gameeqa həyvanar  
qöö gidğıl. Devabı, balkanar, vəq`əbı,  
canavarar, çaq`alar sana-sançik sidet`u  
gameeqa qaylenbı.

Mani cəmə`ətık`le həyvanar gameeqa qöö  
g`acu matepxha avxu.

– Voo, nimee xəbna syoyiy!

İlyaake, q`öble süva, k`ane g`i`ye.  
Sana-sançikıd qet`a deş, man sa i`brat  
vod! Həyvanarıd, Nühuna xizanıb gameeqa  
sabımee, gamıyn akka Allahe it`um ha`an.

İnsanar gamıyni k`ane sık`ılba ilyobzuriyle  
qiyğa, Nühni yı`q`əle yişon haa`a-haa`a conı  
xaybişeeqa apk`iniynbı.

– Ək`eldeşda q`əsda! Dyunye hı`ğətkiriy  
ək`eleeqa aççu! Xhyan kara qales deş! Nyaane  
manimeen xhyan vodun?



– Şok`le g`ayxhinne mang`ve eyhenbı? Allah  
qəllamişexhi vor şolqa! Mang`us şake hicone?  
Mana xəə, şı çiyel vobunbı.





Xəm qooxhena. Sayid curayncad ses qöö  
gidğıl. Man gyoğiyi t`yank`bişin daxalqa  
ilyossen ses ıxha. Ts`ettiyn gyoğiy gyoğa  
gidğıl. Man gyoğiy hək`eda it`umeexhen.  
İt`umna mıts aa`a, ts`ayılpan ı`xı`yxə giyğalan.  
Xhyan geed qıxhaylette, xaybı xhinek avud  
axva gidğıl.

İnsanaaşika Nühulqa k`ırı gidyaqqıva  
paşmanepxhaynbıb vuxhaynbı. Man gecda  
ıxha. Xhyan haled ooqa əlqəə ıxha. Sayid  
gamı ciyeyle ı`ğiykır, xhineni aq`val əə gidğıl.





Yoqts`al yiğna, yoqts`al xəmna gyoğiy gyoğu.  
Nühuna xizaniy, həyvanar sa senile hexxada  
game axvanbı.

Yiğbişdi sa yiğıl xhyan k`ıl qexhemee  
gamı sa suvani vuk`lel ilyoyzaran. Nühee  
sa qən g`ookkana, vodee mançisse xhyan  
ts`its`axhayn ciga t`abal ha`as əxəs?

Qən alivxu sahavule sapk`ıl qavaylena.




Sabara vaxtılı Nühee qı`nerke g`avku. Manab delesseğana qeqquyn ciga deşva sapk`il qavaylena.

Nühee qı`nerke sayib g`ookkana. Hina qı`nerke sapk`il qabıyng`a, gameedin həyvanarid, insanarib şadexhenbi.

Nya`as, ats`anne? Savk`uynı qı`nerkeyn k`uxhee zeytunna xhınakna t`ele avqu vuxha. Man “gamıyni delesvalee qeqquyn çıye, yivar vodva” eyhen ıxha!

İnsanaaşısıd, həyvanaaşısıd gameençe qığeeç`es geedniy ıkkın. Senniye ıxha manbişik`le ç`ıye g`idecen!

Vaxt qabımee gırgınbı gameençe gebaç`eenbi. Manbişdi ögiyl micagin, badalxhayn ç`ıye ıxha.



Nüh cuni xizanıkva gameençe qiğeç`uyng`a, manbişik`le xəə`əd curayncad kar g`acu. Mana xənevur vuxha, g`ookvana, xətta rangbınana, hits`aagharna.

Manke Allahee Nühuk`leyiy cuni xizanık`le uvhoyn:

– Zas şos xayir-dü`ə haa`as vukkan. Dyunye gyats`e`e, gudmişvxhe. Zı həyvanaaşına, baluğaaşına, şit`yaasda xəbvalla şosqa qoole. Şunad pısın hima`a. Zı sayid məxdun xədıxhyan ç`iyelqa g`axiles deş.

Xənevuruqa ilekke. Mana nimeecab micagbayiy! Həşde vak`le ats`axhe, mana Allahna insanaaşılqana, həyvanaaşılqana, dyunyelqana rəhı`m vobna.

Nühee vuc Allahee g`attixhan ha`uva Allahıs şukur hav`u, q`urbanbı gyat`u.

Allahee Nühee bınahbı hidya`uva, culqa k`ırı gyaqqıva mana g`attixhan ha`una.

Allahee vuc ıkkananbı gırgınbı huvaacenbı!







# *K`inni Yunutna mexxa*

K`inin Yunut k`ilda ıxheeyid ek`inniy vod.

Sayəqqee Yunutni yedee eyhen:

– G`inya vaz bıkırooxhena xəmə işıǵnana vixhes. K`inin Yunut, vassedad aragıska hatk`ın exhaliys oxhanas baluǵar alles əxəsınbıne?

– Ho`o, əxəsınbı, – uvhu K`inni Yunutun.

Zı şos həməxdun baluǵar aqqas, məxtunbı şu mısacad otxhun ixhes deş.

K`inin Yunut k`ilda ıxeeyid, ek`inniy vod.

Xəmdə işıǵnana xəbna vaz ilqevç`u.

*Man məxüd şaddaniy,  
Geed xoşbaxtdaniy!  
İlekkə, man nəxdunniy!  
Ç`alageeqa hatk`ın  
Sayreda hatk`ın,  
İmree ts`etta hatk`ın!  
Ts`etta man gehgerıka.  
Qiyǵa sık`ilda zarada.  
Qiyǵad g`adayxhvaniy əə.*

Sık`inni vaxtake K`inin Yunut miç`axni, lap  
miç`axni ç`alageeqa eç`en.  
Maa`ad manzil ha`a Q`əsın Nyaganis g`alixhu  
ixha.  
K`inin Yunut yed dena ç`alaga iykar g`aciys,  
man matxhayn.  
– Nyaqane ğu i`qqə? – Q`əsdi Nyaganise  
qidghın ha`uyn.  
– Aragısqa – uvhuyn K`inni Yunutun. Zı  
exhaliyni otxhuniys baluğar aqqas i`qqə.  
– Qəyq`ən dişde, K`inin Yunut? – Nyaganisee  
qidghın ha`uyn. Yic vaqake zaqa xhinnen  
veebar deşinbı.  
– Zı qəyq`ən deş! – uvhuyn K`inni Yunutun.  
Man k`ilda ixheeyid, qı`dəyq`ənan kar ixha.  
K`inin Yunut vuzani işiğe hiqa ayk`anan.

*Ts`etta man gehgerıka  
Qiyğa sık`ilda ek`da.  
Goyned g`adayxhvaniy əə.*





Golesqa hiviyxharmee mançik`le Gyavts`una  
G`i`ye g`ooce.

Gyavts`una G`i`ye g`alipxhı vuxha. Sa ul aaqı  
mana mıgılelqa g`ook`alna:

– Ğu zı nimee qəvəq`ənav`una, K`inin Yunut,  
nyaqavane sayreda i`qqə?

– Goleni şeni suralni aragılka. Maa`ad zı  
baluğar aqqas.

– Voo..! Gyavts`uni G`i`yeyn eyhen:

– Şeni karale qəvəyq`ən dişde?

K`inni Yunutun eyhen:

– Nişilen, gare, zı qəq`ənas?

– Şençile, golee gyu`urinçile, – uvhuyn

Gyavts`uni G`i`yeyn. Zı mani karale  
qəvəyq`əнна!

– Zı qəyq`ən deşva – uvhu, K`inin Yunut  
golesqa ayk`anan. K`inin Yunut golel oğançe  
g`arçiyıni xənni yiveyl oğançeniy ilğeç`es  
ıkkın.

– Hın... Hini yiveyle ilğeç`u, şeni sural aragık  
zı baluğar aqqas.

K`inin Yunut yiveyle şeni suralqa əlgəə  
giyğalan.

Man qəyq`ən deşdiy vodun, Gyavts`uni  
G`i`yeys qızdaxinxhiy geed yugda eyxheyiy.

– Golee hicooniyxan vodun?

Man ilyozur ilyakkiyn.

Golee`ad hicome gyu`uriy!

Hina haşena yiciy! Maa`ad gyu`ur vuzani işiğe

K`inni Yunutıqayiy ilyakka. K`inni Yunutun

qərq`i`niy ats`axha`u deş.

Mançe liga sav`una.

Mani goleedınçed liga sav`una.

K`inin Yunut yi`q`əlqa satk`ıl it`umda hexvan.

Man Gyavts`uni G`i`yeyni k`anençe həməhüd

it`umda ilğeç`u, g`i`ye meed qətq`i`niyn.

– Hicon ıxha? Hicon ıxha?

Q`əsdi Nyaganise qidghın ha`uyn:

K`inni Yunutun golee gyu`urni karani hək`ee

gaf haa`a. Q`əsdi Nyaganisın eyhen:

– Sa t`at`aa alyat`u yi`q`əlqa sak`le, mançik`le

hagve vasneedın xədn t`at`aa.

K`inni Yunutus xaaqa baluğaşikva sak`alas

ıkkın ıxha. Manç`il`alla sa t`at`aa alyat`u

yi`q`əlqa satk`ilin.

– Sayid şen kar qiğeç`u atk`ın eyxhiva

fıkıreeqa qaylen.

– De`eş, man atk`ın deşod!

– Man meed goleecad vod.







K`inni Yunutun gozet hidya`uyn. Mançe  
çin xədin t`at`aa ooqa ulyot`ul k`yaqqıyn.  
Golençiqad t`at`aa vodniy. Xədin, geed xədin  
t`at`aa! Mançed man t`at`aa K`inni Yunutulqa  
k`yaqqıyn.

K`inni Yunutun çin t`at`aa xılençe g`a`avhu  
g`adatxhuniyn.

Man g`adatxhuniyn, g`adatxhuniyn...

Gyavts`uni G`i`yeyni mıgleke...

Q`əsdi Nyaganisni mıgleke...

İldyozurcad xaaqamee g`adatxhuniyn...

K`inni Yunutun çini yedis golee g`acuyni  
karana gaf haa`ana.

– Ooo..! Yed, – zas sayreda baluğaaşıqa i`qqəs  
geedniy ıkkən. Exhal oxhanas baluğarniy  
alles!

Yedin eyhen:

– Ğu manbı allesınbı. Həşdile zaqa k`ırı  
gyaqqe... Ghalbı qıma`a, vakasana t`at`aa  
ilmat`a!

K`inni Yunutun q`iyghanan:

– Hicon manke zı ha`as?

Yedin eyhen:

– Saccu əqəna he`e! Goleeni karalqad əqəna  
ha`a – ha`a ılğeç`e.

K`inni Yunutun eyhen:

– Hək`edane eyhe, yed? Medın hiçcud ha`as  
ıkkən dişde?


Yedin eyhen:

– Zı eyhen xhinne he`e, ıxhayn!

K`inin Yunut ek`ın, qı`dəyq`ənanıniy vod.

Yedik`le man ats`anniy.

K`inin Yunut meed goleni suralqa ayk`an.





– Həşdilexheeyid man kar atk`ın eyxhi!  
K`inni Yunutun çiled alqa uvhuyn:  
– De`eş, man hamaa vod!  
Man kar haşenkin xhinne meed qolee  
gyu`uriy.  
Kınni Yunutun çişe yic guacun huvaci.  
Qiyğa çincad yic xhineeqa ilyakkas alıkkı.  
Qiyğa meed, çincad, yic maa`ad gyu`urni  
karas əqənə ha`as ilekkan.  
Maa`ad gyu`urinçed əqənə ha`a gidğıl!  
K`inni Yunutusse şadvalin əqənə g`attitxhın.  
Çisqa həməxüd qadı maa`ad gyu`urni karasıd,  
yunutar şadetxhays ha`an karbı ha`as ıkkın.  
Mançis zakva hambaziyvalla haa`as vob  
vukkan! Çiledalqa K`inni Yunutun uvhuyn:  
– Həşdile zasse şeni suralqa ilğeç`es əxə.  
Goyne man yivni oğançe g`adatxhun ilğeç`en.  
Şeni sural K`inni Yunutun arageençe baluğar  
aqqaqqa. Sikinni vaxtale çisse alyat`as  
əxənmen baluğar aqqıynbı. Man goleni  
oğanç`e ilğeç`u g`adayxhvan yı`q`əlka qaylen.  
İni yəqqee K`inni Yunutun goleeni karalqa xıl  
ha`u ilğeç`en.



Mançed K`inni Yunutulqa xıl ha`uyn.  
K`inni Yunutun baluğar it`umda xıle aqqı  
xaaqa g`adayxhvanan.

Yed Yunutun eyhen:

– Bala, həynəxdun baluğar həşdilemee ne zı,  
ne ğu otxhuniybnı deşdiy.

Yedee uvhuynçile K`inin Yunut geed  
şadxhayn:

– Yed, vas nenkeyiy ıkkın zı sayreda  
baluğışıqa i`qqəsın. Goleeni karaled qəq`ənas  
deş!

Yedin eyhen:

– Ats`an, ats`an, yizda ek`na bala!

K`inin Yunut yedni aq`veeqa ilyakka – ilyakka  
g`iysanan:

– Yed, goleedın kar hucooniyan?

**Ek`na gade**

*Dağıstan nağılı.*

**Ts`eppiyna xənevur**

*Kitabın məzmunu uşaqlar üçündür. Tövrət əhvalatın nağıl edilməsi.*

**K`inni Yunutna mexxva**

*Lilian Murun "Balaca yenotun gecə macərəsi" nağılı.*